

**L** CATHOLICON PHYSICORVM,

SEV

**MODVS CONFICIEN-  
DI TINCTVRAM PHYSICAM.**

& Alchymicam à veteribus Philosophis adeò sollicitè  
quæsitam, sed à nullo adhuc mortaliū, seu priscorum,  
seu recentiorum plenè ac perfectè traditam; vna cum eius-  
dem Tincturæ accurtatione.

*Olim à*

**SAMVELE NORTONO BRISTOL-**  
**lenſi inchoatus;**

*Nunc verò*

editus labore & industriâ

**EDMVNDI DEANI ANGLI MED. D**  
Eboracenſis Medici, auctior & perfectior.

**CVI ACCESSIT RAMVS TRIPLEX DE**  
*compositione Lactis virginis, seu Aceti*  
*Philosophorum.*

Autor incertus,

**HIC LAPIS TRIANGVLVS EST**  
in eſſe, quadrangulus in qua-  
litate,



FRANCOFVRTI,

Typis Caspari Rötelij, Impenſis Guilielmi Fitzeri,

---

Anno M. DC. XXX,

МУЛОДЖУНТ КОДИЦИОНА



REVERENDISSIMO IN CHRISTO PATRI SAMVELI EBORACENSI  
 Archiepiscopo, Angliæ Primate, & Metropolitano, &  
 Caroli Regis magnæ Britaniæ Franciæ &  
 Hiberniæ à secretioribus  
 consiliis.

GRAVISSIME PRIMAS,

**C**Elebrem Medicinæ artem qui investigarunt primitus, nil magis habuisse in votis autumo, nostrâ quàm ut vitam iis redderent ærumnis vacuum, quibus illi miserè; vexateq; nimium viderunt esse implicatam. Fœlix, faustumque nobis quod optabant sæpiusculè, non tam assequebantur facilè, quàm relinquebant opportunè; ac si primæua illa antiquitas dedecori sibi fore duxit, ea posteritati non tradere, quæ sciebant ad salutem remedia, sine quibus posteris deesset ad officij obeunda munia. Profectus, quos indies nati sunt fœlices, viteriores ad conatus acuebant animos, neciam vitæ solum modò humanæ grata spectata est incolumitas, nisi & in eadem vita optata adferatur homini diuturnitas. Hinc Catholicon istud, seu vniuersale Remedium primò excogitatum, quod Tincturæ physicæ nomine vniuersi appellarunt Spagyrici; quam si forsan indagantes, affecuti sunt aliquando, nescio tamen, an de ea (ut de Æneide Anchises) ausim dicere:

*Ostendent terris hunc tantùm fata, neq; vltra*

*Esse sincent: nimium vobis Romana propago*

*Visa potens, Superi, propria hac si dona fuissent.*

Negandum non est, plurimos huius in indagatione insudasse Chymi-

A 2

cos,

cos, nempe Hermem Trismegistum, Ægyptium; Orum, Græcam; Haly, Arabem; Albertum Magnum, Germanum; plerosque alios, quanquam & hic, uti in rebus arduis plerumque euenit: Aliquid reperitur semper, humanæ quod obstat felicitàti. Ego, qui vel sudores Artistarum plurimi facio, me accingo ad opus, eorum studia, & progressus circumspicio, & reuerà quæ illi probabilia, ego itidem confidenti animo certa ausim prædicare & sincera. Temporum essem, & rerum valde ignarus, nisi scirem varia in quàm iudicia, vocesque dispares nostrum hoc incurrat studium. Nil apud me cogito sæpius, quàm quod Solon ille apud Plutarchum: Omnibus, in magnis difficile est, placeas. Te igitur peto (Amplis. Præsul) nomenque tuum, ut exeat hoc opusculum sub tuæ dignitatis patrocínio. Ita enim fore confido, ut quum præ oculis habeant solum, quod inuideant maleuoli, non inueniant tamen, quod vituperent curiosi.

*Amplitudinis, & Reuerentia tue*

*Devotissimus*

*Edmundus Deanus.*

*Tabula,*


Tabula siue Ramus Arboris  
physica et Alchymica.

philosophicae de Tinctura

Scutum colorum



Colores septem.



ternitate

Fermentatio.

Medicinz.



Lapis.

Putrefactio

Coniunctio.

In

Solutio Aquilæ  
glutinis.

Aquilæ gluten.

1. Corpus.



Solutio Le-  
nis rubei in San-  
guinem.

Leo rubeus.

Spiritus. 2.



Antimonium

Plumbum Philosophoru



**G**eneralis antiquorum mihi crede philosophorum cohors hoc maximum secretum semper celauerunt, nec eorum quisquam aliquid de eo scripsit, vel vllum vnquam verbum huius processus protulit.

Lili.

Si legas itaque omnes eorum philosophorum libros, nunquam inuenies, quid Lili significat. Tam parci enim eius nominis fuerunt, vt ex Hermetis tempore, qui primus huius artis lator extitit, vnus tantum eorum erat, à quo semel recepi nomen Lili tactum: is solus erat Haly.

Tres modernos legi philosophos, qui aliquantulum apertius rem acu tetigerunt, eamque planius expresserunt. Quorum primus est Raymundus Lullius, de quo sic dicitur:

*Raymundus Lulli: claudens sua dogmata nulli:*

Plumbū  
Philoso-  
phorum.

Is in Epistola sua Regi Ruperto scripta his vtitur verbis: Scire debes, ô Rex, quod ex plumbo philosophorum extrahitur quoddam oleum aurei coloris quoddam oleum aurei coloris, vel quasi; cum quo si Lapidem mineralem post fixationem primam sublimaueris tribus, vel quatuor vicibus, vel diebus, excusabit te ab omni labore solutionum, & coagulationum. Ratio est; quia hoc est oleum occultum, quod facit Medicinam penetrabilem, & amicabilem, & cōiungibilem omnibus corporibus, & augmentat eius efficaciam vltra modum, sic quod in mundo non est secretius eo. Vnde mirabilia dico, quæ omnibus antiquis philosophis incredibilia forent; scilicet, si sciueris oleum hoc abbreviare, vel ab aqueitate separare, & laboraueris in modo mixtionis iam dictæ, poteris in 30. diebus Lapidem componere.

Sæpè igitur mecum in mente reuoluebam, quidnam hoc philosophorum plumbum sibi voluerit. Ego enim illud pro Saturni prole sæpius iudicaui; sed cum ad distillationem peruentum erat, non responderebatur voto: idèò altius quærebam.

Antimo-  
nium.

Tandem autem mihi fors erat perlegere nobilem eum modernum Gallicum, Rupefissam. Is secundus fuit, qui rem apertè enarravit, & non me solum modò docuit, sed quotquot eius erant lectores. Ab eo enim didici, & sciui, quòd Hispanus miles per plumbū philosophorum Marchesitam plumbeam intellexit. Quā marchesitam Rupefissa Antimonium appellabat; & etiam Aristotelis verba explanans

planans in lib. de Secretis secretorum, dicit illud esse plumbum suum, licet non nomenet nomine Antimonij.

Quod mihi magnoperè complacuit, & experiri incepti, & illud in aceto distillato soluebam, & distillabam, sed exiuit mihi ridiculus: & sic haud citius expertum, quàm erratum. Nam putabam acetum distillatum fuisse Acetum philosophorum, quod prius non noueram. Sed postea sciui cum eorum Aceto quintam Antimonij Essentiam extrahere, de qua breui in hac Tabula siue Ramo loquuturus sum.

Nunc ad tertium venio modernum, nempe Paracelsum. De his tribus, & etiam de quarto, nempe propria meimet experientia, totum huius operis ædificabo fundamentum.

Vocat Paracelsus Antimonium, Lili veterum; appellat etiam Leonem rubeum, & quod Rupescissa Quintam vocat essentiam, vocat ille Leonis rubei sanguinem, ac opus consummatum Tincturam Physicam: nos æquè Alchymicam fieri curauimus. Sic igitur cum Paracelso in propriis suis verbis opus aggredior.

Cum satis ergo (inquit) Tincturæ Physicæ subiectum declaratum sit, ut inter fratres duobus vix fidelius queat, aut liceat præstari, præparationem eius nunc aggredi volo.

Quapropter dico; tantum rosei coloris à Leone sanguinem accipite, & ex Aquilæ gluten: quæ postquàm simul coniunxeritis, iuxta veterum coagulate processum, Tincturam habebitis Physicam, quam infiniti quæsiuerunt, inveneruntque paucissimi.

Duo itaque, sicut modò ait, sunt corpora, ex quibus elicienda est hæc Tinctura Physica, nempe rosei coloris à Leone sanguinis, & Aquilæ gluten.

Sed quoniam Paracelsus in hoc suo libro de Tinctura Physica modum celauit componendi hunc sanguinem Leonis rubei, & quia idem mihi non arridet in sua Philosophorum Aurora, nec per placet propter operis periculum, & nimis durum, ac difficile tractationis modum, ideò eius viam pro Leonis solutione relinquere decreui, & tam ex meipso, quàm ex Rupescissa modum solutionis indicare.

Quamobrem accipe, quantum Antimonij calcinati tibi placuerit, illudque contere super marmor, donec fiat pulvis sine tactu. Solutio  
Leonis  
rubei in  
sanguine. Quo facto, accipe Aceti Philosophorum (seu Lactis virginis) duplicem partem,

tem, & puluerem Antimonij pone intus in vase vitreato, & pone in firmum, aut in balneum 7. dierum spatio. Postea pone Antimonium cum Aceto in Cucurbitam in cineres super furnellum, & da ignem ita lentum, vt cineres calefactos posses in manu tolerare, donec Acetum coloretur in rubeum. Deinde Acetum coloratum, & rubificatum auferatur, & mundè ponatur ad partem; & de alio Aceto superponatur focibus, donec super modicum ignem etiam coloretur, & sic toties fiat, donec ibi Acetum non amplius coloretur. Et collectis Acetis sic coloratis, pone ea in balneo, vel potius in cineribus lentis distillanda cum suo Alembico, & distilla lento igne, & ascendet Acetum primo: deinde videbis miraculum stupendum, quoniam per rostrum Alembici videbis quasi mille venulas liquorum benedictæ mineræ descendere per guttas rubeas, sicut rectè esset sanguis. Quibus habitis, habeas rem, cui totus Orbis thesaurus ad æquari non possit, sicut Rupefcissa.

Iam habes Leonis rubei sanguinem secundum modum Rupefcissæ. Paululum itaque hinc cessandum est, donec dictum fuerit de Aquilæ glutine. De quo Paracelsus sic inquit:

Mercuri-  
us. Arg.  
vi. Aquilæ  
gluten.

Reduc Mercurium in eleuatione tantisper, donec in fixum crystallum exeat. Hæc est eius præparatio, & modus reducendi Mercurium in Aquilæ gluten.

Sed ego omnibus præcipio, vt eo vtantur modo, qui à me prius describitur in libro de Mercurio rediuiuo, & in prima Tabula.

Solutio  
Aquilæ  
glutinis.

Deinde, inquit prædictus author, in resolutionem, & coagulationem digere. Sed ego iterum meos iubeo eundem seruare solutionis ordinem, sicut ibidem etiam ostenditur.

Coniun-  
ctio.

Nunc vt ad coniunctionem veniamus; post horum duorum prædictorum solutiones necesse est, vt eorum recipias pondus æquale, simulque in vase optimè obturato coniungito.

Putrefa-  
ctio.

Postquam ita coniunxeris, colloca Ouum vitreum in Athanore, vt in eo fiat putrefactio, vel alteratio per spatium aliquot dierum, (nempe 150.) Tum demum enim videbis, inquit Paracelsus (& ego illud verum probaui) mox atque Lili tuum in Ovo Physico fuerit excalefactum, admirandis apparens demonstrationibus, coruo nigrius fieri: cygno, postmodum successu temporis albius; & postremo transiens



transiens per flauedinem, sanguine quouis magis rubeum euadere.

Putrefactum hoc, & in sulphur rubeum conuersum, pro Lapide <sup>Lapis.</sup> est accipiendum, & tunc adest tempus, vt fermentetur.

De cuius fermentationis modo sic loquitur Paracelsus: Eius libra primò super Solis fusi libras mille proicienda est. Medicina tum demùm præparata fuerit ad leprosum humorem metallorum transmutandum.

Hæc est eius fermentatio, quæ reuerà nihil aliud est, nisi proiectio corporalis prima. Sed si huic Medicinæ addaretur solutio sulphuris rubei Luminis rubei (sicut docetur in Tabula quarta libri de Mercurio rediuiuo) vt Lapidi spiritali adiungeretur fermentum spirituale; esset in fortitudine multò magis penetrans, & fusibilis, sicut idem testatur Paracelsus in sua Aurora, vbi astrum, aut oleum Solis huic Lapidi adiunctum esse voluit.

Ego itaq; hoc impero, vt tribus huius Lapidis partibus vna pars <sup>Fermentatio.</sup> fermenti rubei adiungatur, vt fiat vera eius fermentatio. Et sic efficiatur Tinctura Physica, & etiam Alchymica; cuius virtutis in laudem hæc profert Paracelsus.

Est itaque Tinctura Physicorum vniversalis medicina, morbos omnes instar ignis invisibilis, quomodocunq; illi nominentur, consumens. Dosis eius est valde exigua; sed operatio potentissima. Per eam enim à me curata, sanataque sunt lepra, lues venerea, hydropisis, caducus, colica, gutta, similesque morbi. Lupus item, cancer, Noli me tangere, fistulæ, nec non genus omne internorum morborum, & certius quidem, quàm credibile sit.

In huius cõpositione fit Mercurius fixus & solutus, corpus; Leonis rubei sanguis, Spiritus; Fermentum rubeum, Anima. Et sic in trinitate fit vnitas Medicinæ, quæ dicitur Tinctura Physica, & Alchymica, per authorem nullum antehac collecta, aut scripta in vnum opus. Quod iuro me nunc non fecisse, nisi quòd aliter huius benedictæ Medicinæ compositio in æternam obliuionem caderet. Sit ideo cognitionis Authori à nobis, & omnibus aliis semper laus, qui tam magna sua Arcana perire non sinat

Corpus. 1.  
Spiritus. 2.  
Anima. 3.  
In trinitate  
fit vnitas  
Medicinæ.  
Tinctura  
Physica, &  
Alchymica.

*MODVS CALCINANDI ANTIMONIUM IN  
Leonem rubrum.*

Accipe Antimonij benè triti, quantum vis, & super nudos carbon-  
es liquefacito in crufibulo cum fale armoniaco; & cùm liquefactum  
fuerit, inlicito subito in vas repletum aceto diffillato, in quo priùs po-  
fueris fufficientem quantitatem prædicti falis. Sic ter liquefaciens, &  
iniiciens, tandem euacua acetum ab Antimonij calce: quam benè de-  
ficca, & subtiliter pulueriza, vt folvas more prædicto.

*TABVLA SIVE RAMVS ARBORIS PHILOSOPHICAE  
tractans accurtationem Leonis rubei cum Aquilæ glutine, iam pri-  
mum ex propria experientia exhaustus.*


Commemorandum est hîc præcipuè, quomodò priùs Antimo-  
nium cum Aceto Philosophorum acerrimo foluere docuimus. Quod  
benè etiam fieri potest cum Aqua nostra calcinatiua post Antimonij  
calcinationem, ficut in libro de Mercurio rediuiuo duo Lumina cum  
ea diffoluebamur. Memorandum etiam est, quid de compositione  
Aquilæ glutinis in dicto libro fcripsimus.

Hîc non oblitis, huic accurtationi nullum alienum nunc attri-  
buimus principium, nifi quòd vbi priùs accepimus Leonis sanguinem,  
& Aquilæ gluten, cùm eorum vterque occifi fuerint, iam ambos illæ-  
fos fimul iunximus, vt viui feipfos mortificent, & foluant, quod corpo-  
rale matrimonium, aut vnionem aptè appellauimus. Nam in hoc  
commoriuntur coniugio, vt in cœleſti viuificentur matrimonio.

Haud itaque mirandum, fi iſta Scala ab aliis differat: nam hæc ad  
ſpirituum tractationes pertinet: altera è corporibus Elixeris efficien-  
di modos docet, ficut ad principium libri de Mercurio rediuiuo vide-  
re licet, & etiam forſan poſthàc in Tabula Martis. Ramum itaque no-  
ſtrum iam demonſtremus.

Tabula

*Tabula, seu Ramus novus Arboris Philosophica de accuratione Tinctura Physi-  
ca, & Alchymica.*



Matrimonium corporale.

**V**T igitur omnia tibi planissime reuelemus, accipe Antimonij calcinati, & minutissime triti libram vnam semis, & Mercurij sublimati eodem modo triti tantundem, eaque super lapidem marmoreum bene incera, vel tere, quousque vnum ab altero vix dignosci possit.

Solutio.

Tunc in loco frigido depone lapidem, ita vt materia soluenda possit guttatim cadere in vas vitreum suppositum, donec ea totaliter dissoluatur (si id fieri possit) vel donec soluat in aquam albam, & crassam. Nam cum materiae sint simul annexae, tum dicito, quod vnum eorum alterum occidit, & ambo breuiter erint soluta. Aqua illa perfecta est soluta, erit colore subviridis, & odore grauis.

Calcinatio.

Hanc aquam simul cum crassa sua parte claude in Ovo Physico, & stet sub igne in fixatorio calido trium dierum spatio; vbi breui inuenies totam massam solutam in fuscum, vel nigrum colorem, & postea in illo tempore praescripto colorem possidere rubeum, Minio paulo altiore.

Fixatio.

Calcinatam hanc materiam dissolue in Aqua Raymundi calcinatio, donec eam tota habueris resolutam in liquorem rubeum, vel alio glaucum. Tunc enim materiam bene hylasti, vt sic loquar. Nota tamen hic obiter, quod Hyle dupliciter accipitur. Primo, pro gumma dissoluti corporis; secundo, pro liquore corporum solutorum ante distillationem.

Separatio.

Nunc claude hunc liquorem in apto corpore cum suo Alembico adiuncto, & per distillationem separa Animam, Oleum rubeum, vel Mercurium rubeum a Corpore albo, quod in terra manet; & si materia subleuata ascenderit in caput Alembici, ne illam despicias, sed proba eius fixationem; quae si non satis fixa fuerit per se, tantisper eam eleua in igne fixandam, donec habueris Corpus fixum.

Corporis, Animae.

Matrimonium coeleste.

Cui adiungito aequale pondus suae Animae, & simul coniungito ad coeleste matrimonium. Nam semper relinquito terram in fundo, si Corpus habueris sublimatum, & fixum; sin minus, accipe terram in fundo remanentem, cum qua procede, sicut prius dictum fuerit, & simul coniungantur Corpus tuum album, & Anima.

Putrefactio.

Quibus sic coniunctis & nuptis, fac impraegnationem, vel viuificationem putrefaciendo in calido balnei gradui, donec omnes pertransierint colores, & in rubeum conuertatur sulphur: quod tunc Lapis est.

Lapis.

De



De modis proficiendi, fermentandi, & augmentandi tum quantitate, tum virtute satis antea enarratum habes in libro de Mercurio rediuiuo, & plura forsan habebis posthac in alio libro huic operi præsertim dicato.

*AQUA RAYMUNDI CALCINATIVA.*


Quia in isto opere mentionem fecimus Aquæ calcinatiæ Raymundi, ideò nos eam ferè incognitam hîc tibi revelabimus. Componitur autem ex Mercurio vegetabili, seu igne naturali, cum igne contranaturam, vt testatur Riplæus, & illud etiam magis verificatur per Raymundum lib. Mercuriorum, vbi docet corpora dissolvere cum Aquæ calcinatiæ.

Nota itaque, quòd Mercurius vegetabilis est vini Spiritus (in cuius loco aliquandò vti possumus aceto distillato) & quod ignis contranaturam est aqua corrosiua ex sale petræ, & vitriolo facta. Accipe igitur Spiritus vini rectificati (vt Raymundinis verbis vtar) pedes duos, id est, libras quatuor, & aquæ corrosiue pedem vnum, nempe libras duas; Misce.



Tabula, siue Ramus triplex Arboris Philosophica de compositione Lactis Virgini-  
nis seu Aceti Philosophorum acerrimi.

EXP



Quoniam in libro de Mercurio rediuuo, ac etiam in isto sepe mentionem fecimus Lactis Virginis, & Aceti Philosophorum acerrimi, idèd huic libro hunc Ramum, triplicem eius Lactis, siue Aceti viam tractantem adiungere æquum censuimus: Non vt eius secretissimam compositionem hîc edoceremus, quam publici iuris fieri nolumus, sed potius, vt, nobis admonentibus, operatores omnes intelligât, quantis versantur in tenebris, qui vero huius artis lumine destituuntur, vt posthac desinant oleum, & operam simul malè perdere, & postea despe diuite amissa inaniter conqueri.

Modus enim componendi Lactisud ab omnibus antiquioribus philosophis est celatus, tanquàm secretissimum eorum secretum; quia est maximum totius artis Arcanum, & totius artis Clavis, sine qua nihil in hac arte effici potest, & sine qua nulla potest esse nec perfectio, nec imperfectorum corporum solutio; quæ omnium operum est opus primum, & sine qua corpus nullum in primam suam essentiam reducere possumus; nempe aquam, quæ liquor est inseparatus, qui Hyle, siue Chaos dicitur, in quo separabilia latent elementa.

Sine huius lactis, seu Aceti effectu nihil soluitur, distillatur, putrescit, congelatur, coagulatur, deniq; nec in Lapidem, nec in Elixer conuertere queat: Nam qui soluere nescit, componere nequit, nec huius cognitionis, vel artis particeps fieri vnquam potest.

Huius Aceti ignorantia, de quo nullus veterum apertè scripsit, omnes modernos fecellit operantes; adèd vt, durante vita, in vanum prorsus laborauerunt, & huius scientiæ intellectum nunquàm intrarunt. Quamobrem sine eo vanum est, aut Aurum, aut Argentum potabile quærere, vel vilius metalli siue Hylen, aut Chaos, aut corporum, vel Luminum sulphura obtinere impossibile est.

Multi de eo locuti sunt Philosophi antiqui; quorum vnus, nempe Scites, in Turba Philosophorum sic inquit: Scitote omnes sapientiæ investigatores, quod huius artis fundamentum, propter quàm multi perierunt, vnum quid est, quod omnibus rebus fortius, & sublimius, apud incipientes verò omnium rerum est vilius. Aquam hîc intelligit. Cui Pythagoras ait: Nomina ergo, ô Scites, hoc vnum. Et ille: Acetum acerrimum, quod facit aurum, metum esse spiritum. Hîc de solutione fermenti rubei loquitur. Postea ait: Sine quo nec albedo,

nec

nec nigredo, nec rubedo consistit. Per quæ verba Luminis rubei putrefactionem intelligit. Et de coniunctione corporali, nempe Spiritus cum Corpore suo sic inquit: Et scitote, quod cum corpori miscetur, continetur & vnum fit cum eo, & vertit ipsum in spiritum, & spirituali tingit tinctura, invariabilique; rursus à tincto tincturam accipit corporalem, quæ nunquam deleri potest.

De quo quidem Geber sic scribit: Aceti autem acerrimi cuiuscunque genera subtiliantur, & depurantur, & illorum virtus, siue effectus per distillationem melioratur: de quorum mundatione, & depuratione sufficienter tractauimus, cum quibus corpora imperfecta preparari possint, & depurari, & meliorari, igneque semper debito mediante.

Sed eius compositionem nec is, nec eorum quisquam docuit, except. &c. Plura nunc de eo scribere non lubet, nec fere licet. Reliqua in aure Magistri dicenda sunt. Et haftenus de Lacte Virginis, seu Aceto Philosophorum scripsisse sufficiat.

、 F I N I S .